

গণপ্রজাতন্ত্রী বাংলাদেশ সরকার
নৌপরিবহন মন্ত্রণালয়
সংসদ ও সমন্বয় শাখা
বাংলাদেশ সচিবালয়, ঢাকা।
www.mos.gov.bd

বিষয়ঃ জানুয়ারি, ২০১৯ মাসের সমন্বয় সভার কার্যবিবরণী।

সভাপতি : মোঃ আবদুস সামাদ
সচিব, নৌপরিবহন মন্ত্রণালয়।
তারিখ : ২৬-০২-২০১৯ খ্রিঃ
সময় : সকাল ১০.০০ ঘটিকা
স্থান : মন্ত্রণালয়ের সভাকক্ষ।

সভায় উপস্থিত কর্মকর্তাগণের তালিকাঃ পরিশিষ্ট-ক।

আলোচনা :

সভাপতি উপস্থিত সকলকে স্বাগত জানিয়ে সভার কাজ শুরু করেন। সভাপতির অনুমতিক্রমে সিনিয়র সহকারী সচিব (সংসদ ও সমন্বয়) ১৩-০১-২০১৯ খ্রিঃ তারিখে অনুষ্ঠিত সমন্বয় সভার সিদ্ধান্তসমূহের বাস্তবায়ন অগ্রগতি সভায় উপস্থাপন করেন। সকল দপ্তর/সংস্থার প্রধান এবং মন্ত্রণালয়ের উপস্থিত কর্মকর্তাবৃন্দ আলোচনায় অংশগ্রহণ করেন। উপস্থিত কর্মকর্তাগণ সভায় তাদের মতামত ব্যক্ত করেন। বিস্তারিত আলোচনান্তে নিম্নরূপ সিদ্ধান্ত গৃহীত হয় :

ক্রঃ নং	বিষয়	আলোচনা	সিদ্ধান্ত
১.	২৫ মার্চ গণহত্যা দিবস এবং ২৬ মার্চ মহান স্বাধীনতা ও জাতীয় দিবস ২০১৯ উদ্‌যাপন।	২৫ মার্চ গণহত্যা দিবস এবং ২৬ মার্চ মহান স্বাধীনতা ও জাতীয় দিবস উপলক্ষে জাতীয় পর্যায়ে গৃহীত সকল কার্যক্রম এবং বিগত বছরে মন্ত্রণালয় হতে পালিত কার্যক্রম নিয়ে বিস্তারিত আলোচনা করা হয়। দিবস দুটি যথাযথ মর্যাদায় পালনে গুরুত্ব দেওয়া হয়।	দিবসের গুরুত্ব ও তাৎপর্য বিবেচনায়, এ সংক্রান্ত বিস্তারিত আলোচনা ও সিদ্ধান্তসমূহ পৃথক সভার কার্যপত্র আকারে প্রকাশ করা হয়েছে। গৃহীত সিদ্ধান্ত সমূহ সকল দপ্তর/সংস্থা যথাযথ ভাবে পালন নিশ্চিত করবেন।
২.	বর্তমান সরকারের নির্বাচনী ইশতেহার ২০১৮ বাস্তবায়ন।	বর্তমান সরকার কর্তৃক ১১তম জাতীয় সংসদ নির্বাচন উপলক্ষে ঘোষিত নির্বাচনী ইশতেহার ২০১৮ এ নৌপরিবহন মন্ত্রণালয় সক্রান্ত প্রয়োজ্য অংশের বাস্তবায়নের জন্য মন্ত্রণালয় কর্তৃক গঠিত কমিটির কর্তৃক প্রস্তুতকৃত সময়াবদ্ধ এ্যাকশন প্ল্যান সভায় উপস্থাপন ও বিস্তারিত আলোচনা করা হয়।	(১) কমিটি কর্তৃক উপস্থাপিত সময়াবদ্ধ এ্যাকশন প্ল্যান মন্ত্রণালয়ের সকল সংস্থা/দপ্তর তার প্রয়োজ্য অংশটুকু পর্যালোচনা ও বাস্তবায়নের দ্রুত পদক্ষেপ গ্রহণ করবেন। (২) প্রতিমাসের প্রথম সপ্তাহে তার অগ্রগতি প্রতিবেদন মন্ত্রণালয়ের সংসদ সমন্বয় শাখায় প্রেরণ করবেন।
৩.	অনির্পন্ন বিষয়াদি	(১) <u>বিআইডব্লিউটিএ :</u> (ক) নৌপরিবহন মন্ত্রণালয়ে নির্দেশ ও পরিকল্পনা অনুযায়ী বুড়িগঙ্গা, শীতলক্ষ্যা, তুরাগ, বালুর নদীসহ কর্ণফুলী নদীর অবৈধ স্থাপনা অপসারণ ও দখল পুনরুদ্ধার এবং সরকার পক্ষে নদীর জমির স্বত্ব বজায় রাখার ব্যবস্থা গ্রহণ সম্পর্কে বিআইডব্লিউটিএ এবং চট্টগ্রাম বন্দর কর্তৃপক্ষের চেয়ারম্যান অভিযানের অগ্রগতি তথ্য সভায় উপস্থাপন করেন এবং সার্বিক বিষয় নিয়ে সভায় পর্যালোচনা করা হয়।	(ক) (১) সংশ্লিষ্ট জেলা প্রশাসন, পুলিশ বিভাগ, উত্তর ও দক্ষিণ সিটিকপোরেশন, রাজউক, আনসার, ফায়ার সার্ভিস, ইসলামিক ফাউন্ডেশনসহ স্থানীয় জনগণের সমন্বিত সহযোগিতায় সরকারের স্বার্থ রক্ষার সর্বোচ্চ অগ্রাধিকার দিয়ে নদী সীমানায় অবৈধ স্থাপনা অপসারণ ও সরকারি স্বত্ব বজায় রাখার প্রয়োজনীয় ব্যবস্থা নিতে হবে। (২) উদ্ধারকৃত জমি/স্থান জনগণের ব্যবহার উপযোগী, ওয়াকওয়ে ও পার্ক স্থাপন, পরিবেশ সংরক্ষণ এবং নদী রক্ষার পূর্ণাঙ্গ পরিকল্পনা গ্রহণ এবং তা বাস্তবায়নের উদ্যোগ নিতে হবে। (৩) নদী রক্ষা ও অপসারণ কার্যক্রমের তথ্য জনগণের কাছে উপস্থাপনের জন্য পাওয়ার পয়েন্ট আকারে তৈরি করতে হবে।

	<p>(খ) নদীর তীরভূমি/নতুন জেগে ওঠা চরভূমি ব্যবস্থাপনা বিষয়ে সভায় আলোচনা করা হয়।</p> <p>(গ) বুড়িগঙ্গা, শীতলক্ষ্যা, তুরাগ ও বালুর নদীসহ ঢাকার চারপাশের নদীসমূহ দূষণমুক্ত রাখা এবং নদীর পানির গুণাগুণ বৃদ্ধির বিষয়ে সভায় আলোচনা করা হয়।</p> <p>(ঘ) চাঁদপুর নদী বন্দরের ফোরশোর সীমানা নির্ধারণ ও জমি হস্তান্তর চাঁদপুর নদী বন্দরের কতটুকু তীরভূমি বিআইডব্লিউটিএ'র নিকট হস্তান্তরের প্রয়োজন হবে এ বিষয়ে যুগ্মসচিব (টিএ) এর নেতৃত্বে গঠিত কমিটি সরেজমিনে পরিদর্শন করে প্রতিবেদন দাখিল করে, দাখিলকৃত প্রতিবেদনে ৪৫.২৬৫৪ একর তীর ভূমি বিআইডব্লিউটিএ'র নিকট হস্তান্তরের সুপারিশ করা হয়েছে। ফোরশোর ভূমি চিহ্নিত পরিমাপ করার জন্য ০২-০৭-২০১৮ তারিখে চাঁদপুরের অতিরিক্ত জেলা প্রশাসক, রাজস্বকে আহ্বায়ক করে ০৬ সদস্য বিশিষ্ট একটি কমিটি গঠন করা হয়েছে। ২৬-১১-২০১৮ তারিখের এ বিষয়ে জেলা প্রশাসনে একটি সভা অনুষ্ঠিত হয়েছে। উক্ত সভার সিদ্ধান্ত অনুযায়ী পূর্বের তালিকা যাচাইবাচাই করে জমির পরিমানসহ একটি হালনাগাদ খতিয়ান তৈরি, ০৩ টি মৌজার সিএস, আরএস, বিএস সার্ভেসহ নকশাশীট সহকারে তথ্য, উপাত্ত, রেকর্ডপত্র সংগ্রহ করে সহকারী কমিশনার ভূমি, চাঁদপুরকে প্রাথমিক প্রতিবেদন দাখিল করতে বলা হয়েছে।</p> <p>(ঙ) কক্সবাজার নদী বন্দরের তীরভূমি বিআইডব্লিউটিএ-এর নিকট হস্তান্তর : এ বিষয়ে জেলা প্রশাসন ও বিআইডব্লিউটিএ'র সমন্বয়ে যৌথ জরীপ ইতোমধ্যে সম্পন্ন হয়েছে। আগামী এক মাসের মধ্যে জেলা প্রশাসকের সিদ্ধান্ত জানা যাবে।</p> <p>(২) বিআইডব্লিউটিএ : (ক) বিআইডব্লিউটিএ কর্তৃক পরিচালিত ফেরিগুলোতে বাড়তি জ্বালানী খরচ বাবদ ০৬ কোটি টাকা অতিরিক্ত ব্যয় শিরোনামে প্রকাশিত দৈনিক যুগান্তরের সংবাদের প্রেক্ষিতে তদন্তকরণ ও প্রয়োজনীয় ব্যবস্থা গ্রহণ বিআইডব্লিউটিএ কর্তৃক ফেরিতে ০৮ মাসে “বাড়তি জ্বালানী খরচ সাড়ে ০৬ (ছয়) কোটি টাকা শিরোনামে দৈনিক যুগান্তর পত্রিকায়” গত ১১.০৭.২০১১ তারিখে প্রকাশিত সংবাদের বিষয়ে মন্ত্রণালয় কর্তৃক গঠিত কমিটি প্রতিবেদন প্রেরণ করে। তদন্ত কমিটির প্রতিবেদনের প্রেক্ষিতে ১৮-১১-২০১৮ খ্রি: ৩০৮ নং স্বারক পত্রে</p>	<p>(খ) নদীর তীরভূমি/নতুন জেগে ওঠা চর (যেমন মেঘনার ভিতরের চর) সাফারি পার্ক/পর্যটন করণের কাজে প্রস্তাব/ উদ্যোগ নিতে হবে। বাস্তবায়নে সকল সংস্থা/দপ্তর।</p> <p>(গ) (১) নৌযান/লঞ্চ হতে পতিত Solid wast অপসারণ ও পানি ব্যবস্থাপনার জন্য আধুনিক যন্ত্রপাতি সংযোজনসহ একটি “টোটাল সলুশন” পরিকল্পনা গ্রহণ করতে হবে। (গ) (২) বিআইডব্লিউটিএ কর্তৃক বাস্তবায়িত “৪১ ডেজার প্রকল্পের ” মাধ্যমে নদী পরিষ্কারে ৬টি ভ্যাসেল ক্রয় দ্রুত সম্পন্ন করতে হবে।</p> <p>(ঘ) জেলা প্রশাসন, চাঁদপুরের সাথে নিবিড় যোগাযোগ অব্যাহত রেখে চাঁদপুর নদী বন্দরের ফোরশোর সীমানা নির্ধারণ বিষয়টি নিশ্চিত করতে হবে।</p> <p>(ঙ) জেলা প্রশাসকের সাথে নিবিড় যোগাযোগ অব্যাহত রেখে কক্সবাজার নদী বন্দরের তীরভূমির দখল নিশ্চিত করতে নিম্নোক্ত পদক্ষেপ গ্রহণ করতে হবে। ১। তীরভূমির চারপাশ দখলমুক্ত করতে হবে। ২। সংশ্লিষ্ট শাখা এ সংক্রান্ত একটি কমিটি গঠন করে Study Report সংগ্রহের ব্যবস্থা নিবেন।</p> <p>(ক) তদন্ত প্রতিবেদনের প্রেক্ষিতে একই কর্মস্থলে দীর্ঘদিন কর্মরত কর্মকর্তা ও কর্মচারীদের তালিকা জরুরী ভিত্তিতে প্রেরণ করতে হবে।</p> <p>(খ) বিআইডব্লিউটিএ কর্তৃক বর্তমানে কোন স্থানে কতটি ফেরি/নৌযান চালু রয়েছে এবং তাতে কি পরিমান তেল খরচ হচ্ছে এ সংক্রান্ত প্রতিবেদন নিয়মিত মন্ত্রণালয়ে পাঠাতে হবে। সর্বোপরি তেল ব্যবহারে নজরদারী বৃদ্ধি সহ অপচয় রোধের ব্যবস্থা নিতে হবে।</p>
--	--	---

		<p>BIWTC হতে দীর্ঘদিন যাবৎ একই কর্মস্থলে কর্মরত কর্মকর্তা ও কর্মচারীদের তালিকা প্রেরণে বলা হয়। চাহিত তালিকা এখনও পাওয়া যায়নি।</p> <p>খ) সদরঘাট হতে কক্সবাজার/ইনানী পর্যন্ত রুটে পর্যটকদের সেবায় সি-ক্রুজ চালুর উদ্যোগ গ্রহণঃ</p> <p>ভারতের চারটি বেসরকারি সংস্থা এ রুটে নৌযান/ পর্যটন ক্রুজ/সি ক্রুজ চালানোর আগ্রহ প্রকাশ করে পত্র প্রেরণ করছে যা নিয়ে সভায় আলোচনা করা হয়।</p> <p>(৩) মোংলা বন্দর কর্তৃপক্ষ (মোবক)</p> <p>(ক) মোবক কর্তৃক পরিচালিত হাসপাতালের কর্মরত নার্সদের ২য় শ্রেণিতে উন্নীতকরণ</p> <p>মোবকের সিনিয়র স্টাফ নার্সদের (ডিপ্লোমাধারী) বেতনস্কেল ও পদমর্যাদা গ্রেড-১১ হতে ১০ গ্রেডে উন্নীতকরণে জনপ্রশাসন মন্ত্রণালয় হতে কতিপয় তথ্যাদি প্রেরণ করার জন্য অনুরোধ করা হয়েছে। সে মোতাবেক গত ২৪/১০/২০১৮ তারিখে মোবকে পত্র প্রেরণ করা হয়। মোবক অদ্যাবধি কোন জবাব প্রেরণ করেনি।</p> <p>(খ) মোবকের সকল কর্মকর্তাগণকে বন্দর এলাকায় স্বপরিবারে বসবাসের প্রয়োজনীয় ব্যবস্থা গ্রহণের জন্য মোংলা এলাকায় ১০ (দশ) তলা আবাসিক ভবন নির্মাণ সভায় জানানো হয় যে, মোবকের কয়েকজন কর্মকর্তা মোবকের বন্দর এলাকায় স্বপরিবারে বাসা স্থানান্তর করেছেন। মোংলাতে ১০ (দশ) তলা আবাসিক ভবন নির্মাণের পরিকল্পনা গ্রহণ করা হয়েছে। ভবনগুলো নির্মিত হলে অবশিষ্ট কর্মকর্তাদের পর্যায়ক্রমে মোবক এলাকায় বসবাসের ব্যবস্থা গ্রহণ করা হবে। এ বিষয়ে ডিপিপি প্রণয়ন করা হয়েছে যা সভায় অবহিত করা হয়।</p> <p>(গ) মোবকের শূন্য পদের জনবল নিয়োগঃ</p> <p>মোবকে শূন্য পদে জনবল নিয়োগ করতে হবে। এ বিষয়ে পুলিশ ডেরিফিকেশন দ্রুততর সময়ে সম্পন্ন করার নিমিত্ত সভায় নির্দেশনা প্রদান করা হয়।</p> <p>(ঘ) মোংলা বন্দর কর্তৃপক্ষের সংশোধিত কর্মচারী চাকুরি প্রবিধানমালা, ১৯৯১ এর সংশোধনী প্রস্তাব।</p> <p>মোংলা বন্দর কর্তৃপক্ষের সংশোধিত কর্মচারী চাকুরি প্রবিধানমালা, ১৯৯১, এর সংশোধনী প্রস্তাব চূড়ান্ত করণ করতে হবে।</p> <p>(৪) বিএসসি (বাংলাদেশ শিপিং কর্পোরেশন)</p> <p>(ক) বিএসসি এর নিজস্ব চাকুরী প্রবিধানমালা তৈরী:</p> <p>মন্ত্রণালয়ের সংশ্লিষ্ট শাখা কর্মকর্তা ও বিএসসি এর সংশ্লিষ্টগণ দ্রুত প্রবিধানমালা তৈরির নিমিত্ত প্রয়োজনীয় উদ্যোগ গ্রহণ করবেন।</p>	<p>(খ) (১) এ বিষয়ে সম্ভাব্যতা যাচাইসহ কাস্টমস, নিরাপত্তা, ল্যান্ডিং স্টেশনের অনুমতি সংক্রান্ত বিষয়গুলোর মতামত নিয়ে দ্রুত প্রতিবেদন/মতামত পররাষ্ট্র মন্ত্রণালয়ের মাধ্যমে ভারতে পাঠাতে হবে।</p> <p>(২) বিআইডব্লিউটিসি'র নির্মাণাধীন ২টি উপকূলীয় যাত্রীবাহী জাহাজ নির্মাণের পর ঢাকা-কক্সবাজার/ইনানী, খুলনা-কক্সবাজার/ইনানী, চট্টগ্রাম-কক্সবাজার/ইনানী, বরিশাল-কক্সবাজার/ইনানী রুটগুলো সমীক্ষা সাপেক্ষে পর্যটন নৌ ক্রুজ চালুর বিষয়টি বিবেচনা করা যেতে পারে।</p> <p>(ক) জনপ্রশাসন মন্ত্রণালয়ের চাহিত তথ্য দ্রুত প্রেরনের ব্যবস্থা নিতে হবে এবং মোবক অধিশাখার সংশ্লিষ্ট কর্মকর্তাকে আরো উদ্যোগী হয়ে কাজটিকে বেগবান করার জন্য নির্দেশনা দেয়া হলো।</p> <p>(খ) মোংলা বন্দর এলাকায় ১০(দশ) তলা আবাসিক ভবন নির্মাণ বিষয়ে দ্রুত কার্যক্রম গ্রহণ করতে হবে। এছাড়াও, সকল কর্মকর্তা/কর্মচারীদেরকে মোংলা বন্দর এলাকায় বসবাসের বিশেষ উদ্যোগ গ্রহণ করতে হবে।</p> <p>(গ) মোবকের শূন্য পদের জনবল দ্রুত নিষ্পত্তি করতে হবে।</p> <p>(ঘ) আগামী সমন্বয় সভার পূর্বে আলোচ্য বিষয়টি নিষ্পত্তি করতে হবে।</p> <p>(ক) বিএসসি এর নিজস্ব চাকুরী প্রবিধানমালা আগামী ২ মাসের মধ্যে চূড়ান্ত করতে হবে।</p>
--	--	--	--

		<p>(৫) নৌপরিবহন অধিদপ্তর :</p> <p>(ক) নৌপরিবহন অধিদপ্তরের প্রধান প্রকৌশলীর বিরুদ্ধে দুর্নীতির অভিযোগের বিষয়ে তদন্তকরণ:</p> <p>প্রধান প্রকৌশলী বিরুদ্ধে দুর্নীতির তদন্তের জন্য গত ২২/০৪/২০১৮ তারিখে যুগ্মসচিব (প্রশাসন) কে আহ্বায়ক করে তিন সদস্য বিশিষ্ট একটি কমিটি গঠন করা হয়েছে। কমিটির প্রতিবেদন এখনো পাওয়া যায়নি। দ্রুত তদন্তকরে প্রতিবেদন দাখিল করা হবে মর্মে কমিটি আহ্বায়ক সভায় জানান।</p> <p>(খ) মার্চেন্ট শিপিং এর জন্য ৫৭২ টি পদ সৃজন</p> <p>এ বিষয়ে জনপ্রশাসন মন্ত্রণালয়ে ২৩/০১/২০১৭ তারিখে প্রস্তাব প্রেরণ করা হলে তারা পূর্ণাঙ্গ তথ্যাদিসহ প্রস্তাব প্রেরণের জন্য অনুরোধ করে। সে প্রেক্ষিতে নৌপরিবহন অধিদপ্তর হতে টেলিফোনে জানানো হয়েছে যে, প্রস্তাবটি শীঘ্রই প্রেরণ করা হবে।</p> <p>(৬) চট্টগ্রাম বন্দর কর্তৃপক্ষ :</p> <p>(ক) বন্দর এলাকায় বর্জ্য ট্রিটমেন্ট প্লান্ট পরিচালনার জন্য পদ সৃজন</p> <p>প্রস্তাবটি ১৪-১২-২০১৭ তারিখে জনপ্রশাসন মন্ত্রণালয়ে প্রেরণ করা হয়েছিল। তৎপ্রেক্ষিতে জনপ্রশাসন মন্ত্রণালয়ের চাহিতা অনুযায়ী কয়েকটি বিষয়ে (বিদ্যমান নিয়োগবিধি, প্রস্তাবিত খসড়া নিয়োগবিধি, এনাম কমিটি কর্তৃক অনুমোদিত পূর্ণাঙ্গ সাংগঠনিক কাঠামো ইত্যাদি) তথ্য পুনরায় চেয়ে ০৫-০২-২০১৮ তারিখে চবকে পত্র দেয়া হয়েছে। চবকের তথ্যাদি শাখায় পাওয়া গেছে এবং তা প্রেরণে নথি উপস্থাপন করা হয়েছে।</p> <p>(খ) চবক হাসপাতালের ৫৯ টি প্রয়োজনীয় পদ সৃজন</p> <p>জনপ্রশাসন মন্ত্রণালয়ের ২১-০৫-২০১৮ তারিখের পত্র মোতাবেক কতিপয় তথ্যাদি ও পদ সৃজনের চেকলিস্ট মোতাবেক স্বয়ংসম্পূর্ণ প্রস্তাব প্রেরণ করার জন্য ৪-৬-২০১৮ তারিখের পত্রে চবককে অনুরোধ করা হয়েছে। ১২-১১-২০১৮ তারিখে তথ্যাদি পাওয়া গেছে এবং তা প্রেরণের নিমিত্তে নথি উপস্থাপন করা হয়েছে।</p> <p>(গ) চবক এর অপারেশনাল কার্যক্রমে গতিশীলতা আনয়নের লক্ষ্যে প্রধান প্রকৌশলী (বিদ্যুৎ) এর পদের নাম পরিবর্তন</p> <p>জনপ্রশাসন মন্ত্রণালয়ের চাহিত পত্রের আলোকে প্রয়োজনীয় তথ্য দিয়ে সংশোধিত প্রস্তাব দ্রুত প্রেরণ করতে হবে।</p>	<p>(ক) আগামী সমন্বয় সভার পূর্বে প্রতিবেদন দাখিল করতে সভা হতে বলা হয়।</p> <p>(খ) অধিদপ্তর হতে পূর্ণাঙ্গ প্রস্তাব দ্রুততার সাথে মন্ত্রণালয়ে প্রেরণের উদ্যোগ গ্রহণ করতে হবে। এ বিষয়ে সংশ্লিষ্ট শাখা প্রয়োজনীয় ব্যবস্থা গ্রহণ করবেন।</p> <p>(ক) চট্টগ্রাম বন্দর কর্তৃপক্ষকে এ বিষয়ে আরও পরীক্ষা করে যৌক্তিকভাবে প্রতিবেদন ও তথ্য দেয়ার জন্য নির্দেশনা দেয়া হলো।</p> <p>(খ) আগামী সমন্বয় সভার পূর্বে এ বিষয়টির নিষ্পত্তি চূড়ান্ত করতে হবে।</p> <p>(গ) আগামী সমন্বয় সভার পূর্বে এ বিষয়টির নিষ্পত্তি চূড়ান্ত করতে হবে।</p>
8.	শূন্য পদে জনবল নিয়োগ প্রসঙ্গে :	<p>প্রধানমন্ত্রী কার্যালয়ে এ সংক্রান্ত সভার সর্বশেষ সিদ্ধান্তের আলোকে মন্ত্রণালয়সহ এর অধীন সকল দপ্তর/সংস্থায়কে বিদ্যমান শূন্য পদের সঠিক পরিসংখ্যান নির্ণয় এবং উক্ত পদে নিয়োগ প্রক্রিয়ার জন্য গৃহীত কার্যক্রম নিয়মিত অবহিত করতে বলা হয়েছে। একই সাথে সর্বশেষ জারিকৃত নিয়োগ বিধি, কোটা বিভাজন যথাযথ প্রয়োগ নিশ্চিত করতে বলা হয়েছে। দ্রুত নিয়োগ কার্যক্রম শেষ করতে হবে।</p>	<p>১। মন্ত্রণালয়সহ এর অধীন সকল দপ্তর/ সংস্থায় বিদ্যমান শূন্য পদের সঠিক পরিসংখ্যান নির্ণয় এবং নিয়োগ প্রক্রিয়ার জন্য গৃহীত কার্যক্রম মন্ত্রণালয়কে নিয়মিত অবহিত করতে হবে। সকল ধরণের নিয়োগ বিধি, কোটা বিভাজনের যথাযথ বিধি প্রয়োগ নিশ্চিত করতে হবে।</p> <p>২। প্রধানমন্ত্রী কার্যালয়ের ১১৯ নং স্মারকে ২৮/০৫/২০১৮ তারিখের মহাপরিচালক-৩ এর সভাপতিত্বে শূন্য পদের নিয়োগ সংক্রান্ত সভায়</p>

			<p>নির্দেশনা যথাযথ বাস্তবায়ন নিশ্চিত করতে হবে।</p> <p>৩। নিয়োগে জনপ্রশাসন মন্ত্রণালয়ের নিয়োগ সংক্রান্ত বিধি বিধান ও সংশ্লিষ্ট সংস্থার আইন কানুন, বিধি বিধান অনুসরণ করে নিয়োগ সমন্বয় করার জন্য সংস্থা প্রধান, নিয়োগ বোর্ড ও মন্ত্রণালয়ের মনোনিত প্রতিনিধিকে নির্দেশনা প্রদান করা হলো।</p> <p>৪। নিয়োগ পরীক্ষায় প্রতিটি পদের বিপরীতে লিখিত পরীক্ষায় উত্তীর্ণ প্রার্থীদের মধ্যে থেকে ক্ষেত্র বিশেষে ৩/৪ জন প্রার্থীকে মৌখিক পরীক্ষার জন্য বিবেচনা করতে হবে।</p> <p>৫। মৌখিক পরীক্ষার সময় আবেদিত প্রার্থীর বিপরীতে বোর্ডের সকল সদস্য আলোচনার ভিত্তিতে নম্বর প্রদান করবেন।</p> <p>৬। বিধিবিধান প্রতিপালন করে নিয়োগ কার্যক্রম দ্রুত সমাপ্ত করতে হবে।</p>
৫.	অডিট আপত্তি নিষ্পত্তিকরণ প্রসঙ্গে :	এ সংক্রান্ত বিষয়ে বিভিন্ন সংস্থা হতে প্রেরিত অগ্রগতি নিয়ে সভায় বিস্তারিত আলোচনা করা হয়।	<p>১। দপ্তর/সংস্থার মাসিক ভিত্তিক বিভিন্ন শ্রেণির অডিট আপত্তির বিস্তারিত তালিকা এবং নিষ্পত্তিকৃত তালিকা সমন্বয় সভায় উপস্থাপন করবে। যত দ্রুত সম্ভব অডিট আপত্তিগুলো নিষ্পত্তি করার সিদ্ধান্ত হয়। যুগ্মসচিব (অডিট) বিষয়গুলো তদারকি ও যোগাযোগ করে নিষ্পত্তি করার ব্যবস্থা নিবেন।</p> <p>২। মন্ত্রণালয়ের আইন ও অডিট শাখা সংশ্লিষ্ট দপ্তর/সংস্থার সমন্বয়ে প্রতিমাসে দ্বিপাক্ষিক/ত্রিপাক্ষিক সভা করবে এবং এ ধারা অব্যাহত রেখে আপত্তি নিষ্পত্তির কার্যকর পদক্ষেপ গ্রহণ করবেন।</p> <p>৩। মন্ত্রণালয়ের অতিরিক্ত সচিব (সংস্থা-২) সভাপতিত্বে বিআউরিউটিসিতে ত্রিপাক্ষিক সভা করতে হবে। তাদের অডিট আপত্তির সংখ্যা জরুরী ভিত্তিতে উদ্যোগ গ্রহণের মাধ্যমে নিষ্পত্তি করে কমিয়ে আনতে হবে।</p>
৬.	মামলা সংক্রান্ত :	মামলার নোটিশ প্রাপ্তির পরই ওকালতনামা, আইনজীবী নিয়োগ, অনুচ্ছেদ ওয়ারি বক্তব্য তৈরি করে যথাসময়ে সংশ্লিষ্ট আইনজীবীর নিকট পৌঁছানো এবং Contempt of Court এর বিষয়ে জরুরি ভিত্তিতে সংশ্লিষ্ট দপ্তর/সংস্থা প্রধানগণ যথাযথ ব্যবস্থা গ্রহণ করবেন। সংস্থা প্রধানগণ এ বিষয়ে প্রয়োজনীয় ব্যবস্থা গ্রহণে একজন কর্মকর্তাকে দায়িত্ব প্রদান ও দ্রুত মামলা নিষ্পত্তির বিষয়ে বিশেষ উদ্যোগ নিতে হবে।	সংস্থা ভিত্তিক মামলার অগ্রগতি নিয়ে নিয়মিত পর্যালোচনা সভা করতে হবে।
৭.	মাননীয় প্রধানমন্ত্রীর প্রতিশ্রুতি সংক্রান্ত :	মাননীয় প্রধানমন্ত্রীর প্রতিশ্রুতি যথাসময়ে বাস্তবায়নের জন্য প্রয়োজনীয় পদক্ষেপ গ্রহণ নিশ্চিত করা প্রয়োজন মর্মে সভায় আলোচনা হয়। এছাড়াও বর্তমানে অত্র মন্ত্রণালয়ের অধীন ৩৮টি প্রতিশ্রুতি/নির্দেশনা দ্রুত ও যথাসময়ে বাস্তবায়নের জন্য সভা থেকে বিভিন্ন মতামত ব্যক্ত করা হয়।	<p>১। মাননীয় প্রধানমন্ত্রী কার্যালয়ের প্রদত্ত নির্দেশনার অগ্রগতি প্রতিবেদন প্রতিমাসে যথাযথভাবে প্রেরণ নিশ্চিত করতে হবে। এ বিষয়ে আরও সতর্ক হতে হবে।</p> <p>২। মাননীয় প্রধানমন্ত্রীর প্রতিশ্রুতি কোন অবস্থায় পেন্ডিং রাখা যাবে না।</p> <p>৩। মাননীয় প্রধানমন্ত্রীর প্রতিশ্রুতি বাস্তবায়নের জন্য সংশ্লিষ্ট সকল দপ্তর/সংস্থা অগ্রাধিকার ভিত্তিতে প্রকল্প গ্রহণ করবেন। এ বিষয়ে অত্র মন্ত্রণালয়ের পরিকল্পনা উইং কার্যকর ব্যবস্থা গ্রহণ করবেন।</p> <p>৪। সংশ্লিষ্ট দপ্তর/সংস্থা প্রতিশ্রুতির অগ্রগতি নির্ধারিত সময়ের মধ্যে মন্ত্রণালয়কে অবহিত</p>

			<p>করবে। প্রাপ্ত তথ্য নিয়মিত সংশ্লিষ্ট ওয়েবসাইটে আপলোডের ব্যবস্থা নিতে হবে।</p> <p>৫। বিভিন্ন প্রকল্প এর সাথে সংশ্লিষ্ট মনিটরিং কর্মকর্তাগণ সার্বক্ষণিক প্রকল্প কাজের অগ্রগতি মনিটরিং/পরিদর্শন করবেন।</p> <p>৬। মাননীয় প্রধানমন্ত্রীর প্রতিশ্রুতি সমূহের মধ্যে কোন প্রতিশ্রুতি বাস্তবায়নে কোন জটিলতা থাকলে তা জরুরী ভিত্তিতে মন্ত্রণালয় ও প্রধানমন্ত্রীর কার্যালয়কে অবহিত করতে হবে।</p> <p>৭। মাননীয় প্রধানমন্ত্রীর প্রতিশ্রুতি বাস্তবায়নের অগ্রগতি পর্যালোচনার জন্য প্রতি মাসে পর্যালোচনা সভা করতে হবে।</p>
৮.	মন্ত্রিসভা বৈঠকের সিদ্ধান্ত বাস্তবায়নের সংক্রান্ত :	<p>মন্ত্রিসভা বৈঠকে গৃহীত সিদ্ধান্তসমূহ দ্রুত বাস্তবায়নের ক্ষেত্রে সচিব মহোদয়কে অবহিত করতে হবে। সিদ্ধান্ত বাস্তবায়ন বিষয়ক অগ্রগতি প্রতিবেদন নির্ধারিত তারিখের কমপক্ষে ২ কার্যদিবসের পূর্বে দপ্তর/সংস্থা হতে প্রেরণ নিশ্চিত করতে হবে।</p>	<p>১। শাখাসমূহ মন্ত্রিসভার সিদ্ধান্ত বাস্তবায়ন বিষয়ক অগ্রগতি প্রতিবেদন নির্ধারিত তারিখের কমপক্ষে ২ কার্যদিবসের পূর্বে দপ্তর/সংস্থা হতে সংগ্রহ করে মন্ত্রণালয়ের সংশ্লিষ্ট সিনিয়র সহকারী সচিব সমন্বিত প্রতিবেদন নির্ধারিত তারিখের মধ্যে মন্ত্রিপরিষদ বিভাগে প্রেরণ নিশ্চিত করবেন।</p> <p>২। মন্ত্রিসভা বৈঠকে গৃহীত সিদ্ধান্তসমূহ দ্রুত বাস্তবায়নের ক্ষেত্রে সচিব মহোদয়কে অবহিত করতে হবে।</p> <p>৩। পেভিং থাকা ০৭টি আইনের বিষয়ে দ্রুত কার্যকরী পদক্ষেপ গ্রহণ করতে হবে। এ বিষয়ে মন্ত্রণালয়ের আইন শাখা পদক্ষেপ গ্রহণ করবে।</p>
৯.	ব্লু-ইকোনমি কার্যক্রম সংক্রান্ত:	<p>(ক) নৌপরিবহন মন্ত্রণালয় সংশ্লিষ্ট ব্লু-ইকোনমি কার্যক্রমের সমুদ্র সম্পদ আহরণ এবং এ সংক্রান্ত স্বল্প, মধ্য ও দীর্ঘ মেয়াদী কৌশলগত কর্মপরিকল্পনার অগ্রগতি গত ১৬-০৮-২০১৮ তারিখে পররাষ্ট্র মন্ত্রণালয়, জ্বালানী ও খনিজ সম্পদের ব্লু-ইকোনমি সেলে ও প্রধানমন্ত্রীর কার্যালয়ে প্রেরণ করা হয়েছে।</p> <p>(খ) স্বল্প, মধ্য ও দীর্ঘ মেয়াদী কৌশলগত কর্মপরিকল্পনা বাস্তবায়ন কার্যক্রমের অগ্রগতি এবং সংশ্লিষ্ট অপরাপর বিষয়াদি পর্যালোচনার লক্ষ্যে মন্ত্রণালয়ের ব্লু-ইকোনমি এর আওতাধীন দপ্তর/সংস্থার কর্মকর্তাদের নিয়ে গত ১৩-০৯-২০১৮ তারিখে একটি সভা অনুষ্ঠিত হয়। উক্ত অগ্রগতি সভার আলোচনায় সিদ্ধান্ত হয় যে, প্রতি মাসে একবার ব্লু-ইকোনমি সেলের সভা করে এ সংক্রান্ত কার্যক্রমের অগ্রগতি পর্যালোচনা করা হবে।</p>	<p>১। সংস্থা ভিত্তিক ব্লু-ইকোনমি সংক্রান্ত পরিকল্পনার বাস্তবায়ন ও অগ্রগতি প্রতিবেদন নিয়মিত প্রেরণ করতে হবে।</p> <p>২। ফোকাল পয়েন্ট কর্মকর্তাদের নিয়ে সভা করতে হবে।</p> <p>৩। ব্লু-ইকোনমি কার্যক্রম বাস্তবায়নের জন্য স্বল্প, মধ্য ও দীর্ঘ মেয়াদী পরিকল্পনা প্রণয়নের কার্যক্রম দ্রুত চূড়ান্তকরণের ব্যবস্থা নিতে হবে।</p> <p>৪। সকল স্টোক হোল্ডারদের নিয়ে ১৪ মার্চ ২০১৯ একটি সভা করতে হবে।</p>
১০.	আইন বাংলায় অনুবাদ সংক্রান্ত :	<p>পেভিং থাকা ০৭টি আইনের বিষয়ে দ্রুত কার্যকরী পদক্ষেপ গ্রহণ করতে হবে। এ বিষয়ে মন্ত্রণালয়ের আইন শাখা বিশেষ পদক্ষেপ গ্রহণ করা বিষয়ে সভায় আলোচনা করা হয়।</p>	<p>ক) যে আইনগুলো এখনো বাংলায় যুগোপযোগী করে অনুবাদ করার কাজ শেষ হয়নি, সে ক্ষেত্রে সংশ্লিষ্ট দপ্তর/শাখা বিশেষ প্রয়োজনীয় ব্যবস্থা গ্রহণ করবেন।</p> <p>(খ) আইনগুলো অনুবাদের বিষয়ে সংস্থাগুলোকে প্রয়োজনে বিশেষজ্ঞ নিয়োগ করতে হবে, সে সাথে বিশেষজ্ঞ/পরামর্শক নিয়োগের খরচ স্ব-স্ব সংস্থাগুলো বহন করবে।</p> <p>(গ) আইন ও বিধি প্রণয়নের কাজ দ্রুত শেষ করতে হবে। প্রয়োজনে বিশেষজ্ঞের মতামত নিতে হবে।</p> <p>(ঘ) প্রয়োজনবোধে মন্ত্রিপরিষদ বিভাগে যোগাযোগ অব্যাহত রাখতে হবে।</p>
১১.	বার্ষিক কর্মসম্পাদন চুক্তি :	<p>APA টিম এর সংশ্লিষ্ট ফোকাল পার্সন (বাজেট) সভাকে অবহিত করেন যে, বার্ষিক কর্মসম্পাদন</p>	<p>১। বার্ষিক কর্ম সম্পাদন চুক্তির লক্ষ্যমাত্রা অর্জনে BIWTA, BIWTC, CPA, MPA কে</p>

		চুক্তির লক্ষ্যমাত্রা অর্জন এখন পর্যন্ত সন্তোষজনক নয়। কিন্তু কোন কোন ক্ষেত্রে তা পূরণ করা হয়নি। সে তথ্য সভায় উপস্থাপন করেন। বিষয়টি নিয়ে বিস্তারিত আলোচনা হয়।	বিশেষ উদ্যোগ গ্রহণে বলা হয়। ২। APA টিম নিয়মিত যোগাযোগ রাখবেন। উক্ত বিষয়ে সকলের তদারকি বাড়াতে হবে।
১২.	জাতীয় শুদ্ধাচার কৌশল :	(১) দপ্তর/সংস্থায় শুদ্ধাচার কৌশল বাস্তবায়নে মাঠ পর্যায়ের সচেতনতা বৃদ্ধিমূলক প্রশিক্ষণ, ই-টেন্ডারিং, অনলাইন সেবা প্রদান, ই-ফাইলিং, উদ্ভাবনী ধারণা বিষয়ে মন্ত্রণালয় এবং দপ্তর/সংস্থাসমূহ জরুরী কার্যকরী ব্যবস্থা গ্রহণ করবে। (২) কর্মদক্ষতার উপর ভিত্তি করে প্রতি মাসে মন্ত্রণালয়ের শ্রেষ্ঠ কর্মকর্তা/কর্মচারী নির্বাচন করে তাদের নাম, পদবী ও ছবি মন্ত্রণালয়ের ওয়েব সাইটে প্রকাশ করবে। স্কোরের ভিত্তিতে প্রতি বছর শুদ্ধাচার পুরস্কারের ব্যবস্থা করতে হবে। এ বিষয়ে সংশ্লিষ্ট শাখা ব্যবস্থা গ্রহণ করবে।	(১) দপ্তর/সংস্থায় শুদ্ধাচার কৌশল বাস্তবায়নে মাঠ পর্যায়ের সচেতনতা বৃদ্ধিমূলক প্রশিক্ষণ, ই-টেন্ডারিং, অনলাইন সেবা প্রদান, ই-ফাইলিং, উদ্ভাবনী ধারণা বিষয়ে মন্ত্রণালয় এবং দপ্তর/সংস্থাসমূহ জরুরী কার্যকরী ব্যবস্থা গ্রহণ করবে। (২) কর্মদক্ষতার উপর ভিত্তি করে প্রতি মাসে মন্ত্রণালয়ের শ্রেষ্ঠ কর্মকর্তা/কর্মচারী নির্বাচন করে তাদের নাম, পদবী ও ছবি মন্ত্রণালয়ের ওয়েব সাইটে প্রকাশ করবে। স্কোরের ভিত্তিতে প্রতি বছর শুদ্ধাচার পুরস্কারের ব্যবস্থা করতে হবে। এ বিষয়ে সংশ্লিষ্ট শাখা ব্যবস্থা গ্রহণ করবে।
১৩.	তথ্য অধিকার আইন (আরটিআই):	তথ্য অধিকার আইন বিষয়ক তথ্য সভায় উপস্থাপন করে এ বিষয়ে আলোচনা করা হয়।	তথ্য অধিকার আইন (আরটিআই) এর আওতায় চাহিদা মাফিক প্রয়োজনীয় তথ্য সরবরাহের বিষয়টি নিশ্চিত করতে হবে এবং ফি বাবদ প্রাপ্ত অর্থ ট্রেজারী চালানোর মাধ্যমে জমা প্রদান নিশ্চিত করতে হবে।
১৪.	অভিযোগ গ্রহণ ও নিষ্পত্তি সংক্রান্ত :	অভিযোগ গ্রহণ ও নিষ্পত্তি বিষয়ে যুগ্মসচিব (বাজেট) এর সভাপতিত্বে নিয়মিত সভা করা হয় মর্মে সভাকে অবহিত করা হয়।	প্রাপ্ত অভিযোগ দ্রুত গ্রহণ ও নিষ্পত্তির ব্যবস্থা গ্রহণ করার সিদ্ধান্ত হয়।
১৫.	মন্ত্রণালয়ের ই-ফাইলিং, ইনোভেশন ও ওয়েবসাইট হালনাগাদকরণ সংক্রান্ত :	ই-ফাইলিং কার্যক্রম ছোট মন্ত্রণালয়ের ক্যাটাগরিতে (সি-ক্যাটাগরি) নৌপরিবহন মন্ত্রণালয় প্রথম স্থান অধিকার করায় সভাপতি সকলকে অভিনন্দন ও ধন্যবাদ জ্ঞাপন করে বলেন যে, এ ধারা অব্যাহত রাখার জন্য সকলকে সচেতন থাকতে হবে। এ বিষয়ে তিনি বিভিন্ন নির্দেশনা প্রদান করেন। এ ছাড়া ওয়েবসাইট হালনাগাদকরণ, ইনোভেশন, ই-টেন্ডারিং কার্যক্রমসমূহ যথাযথভাবে বাস্তবায়নের জন্য সভায় আলোচনা হয়।	১। মন্ত্রণালয়ের ই-ফাইলিং বিষয়ে শাখাসমূহের প্রস্তুতকৃত বিভাজন অনুযায়ী মাসে স্কোর নিশ্চিতকরণ করতে হবে। ২। শাখা কর্মকর্তাগণ (সহঃ সচিব/সিঃ সহঃ সচিব/উপসচিব) প্রতি সপ্তাহে ১দিন(হতে পারে বুধবার বেলা ২.৩০ ঘটিকা) উল্লিখিত লক্ষ্যমাত্রা অর্জিত হয়েছে কি না তা প্রশাসনিক কর্মকর্তাগণের সাথে আলোচনাপূর্বক নিশ্চিত করতে হবে। ৩। উর্ধ্বতন কর্মকর্তাগণ (যুগ্মসচিব ও তদূর্ধ্ব) দিনে ২বার ই-ফাইলিং এ প্রবেশকরতঃ আগত নথি/ডাক নিষ্পত্তি করবেন। ৪। শাখা ভিত্তিক পারফরমেন্স সকলের অবগতির জন্য মাসিক সমন্বয় সভায় প্রজেক্টরের মাধ্যমে প্রদর্শন করতে হবে এবং লক্ষ্যমাত্রা অর্জনের বিষয়ে শাখার কর্মকর্তাগণ সভাকে অবহিত করবেন। ৫। ই-ফাইলিং কার্যক্রমে পারফরমেন্স নিম্নে অবস্থিত সংস্থা/শাখার প্রধানগণকে অধিকতর নজর দানের নির্দেশনা দেয়া হলো। ৬। নিয়মিত সভার মাধ্যমে ইনোভেশন সংক্রান্ত কার্যক্রম তদারকি করতে হবে। মন্ত্রণালয়ের ইনোভেশন টিম এ বিষয়ে কার্যক্রম গ্রহণ করবে। ৭। ওয়েব সাইটে প্রচারযোগ্য তথ্যাদি নিয়মিত আপলোড করতে হবে এবং ওয়েবসাইট হালনাগাদ রাখতে হবে। সকল শাখা অধিশাখা এ বিষয়ে প্রয়োজনীয় তথ্য দিয়ে আইসিটি শাখাকে সহায়তা করবে।
১৬.	বিবিধ	নৌপরিবহন মন্ত্রণালয়ের অধীন গৃহিত সকল প্রকল্প ও তার মনিটরিং কার্যক্রম বিষয়ে সভায় আলোচনা করা হয়।	(ক) ২০১৮-২০১৯ অর্থ বছর শেষের দিকে হওয়াই বিষয়টি বিবেচনা করে অধিক গুরুত্ব দিয়ে এই অর্থ বছরে গ্রহণকৃত প্রকল্পসমূহ বাস্তবায়ন ও মনিটরিং

		কার্যক্রম জোরদার করতে হবে। (খ) মন্ত্রণালয়ের দায়িত্বপ্রাপ্ত মনিটরিং কর্মকর্তাগণ নিয়মিত প্রকল্প সমূহ পরিদর্শন শেষে জরুরি ভিত্তিতে মতামত/প্রতিবেদন দাখিল নিশ্চিত করবেন এবং প্রতিবেদনে উল্লেখযোগ্য সুপারিশসমূহ দ্রুত বাস্তবায়ন করতে হবে
--	--	--

২। পরিশেষে সভাপতি সকলকে ধন্যবাদ জানিয়ে সভার সমাপ্তি ঘোষণা করেন।

স্বাক্ষরিত/-
২০/০৩/২০১৯
(মোঃ আবদুস সামাদ)
সচিব
নৌপরিবহন মন্ত্রণালয়।

নং-১৮.০০.০০০০.০১৬.০৬.০০৪.১৮-৭৩

তারিখঃ ২০-০৩-২০১৯

বিতরণ (জ্যেষ্ঠতার ভিত্তিতে নয়):

- ১। চেয়ারম্যান, চবক/বিআইডব্লিউটিএ/বিআইডব্লিউটিসি/মোবক/বাস্থবক/পাবক/জাতীয় নদী রক্ষা কমিশন।
- ২। মহাপরিচালক, নৌপরিবহন অধিদপ্তর, মতিঝিল বা/এ, ঢাকা।
- ৩। প্রধান নির্বাহী কর্মকর্তা, গভীর সমুদ্র বন্দর সেল, বেইলী রোড, ঢাকা।
- ৪। ব্যবস্থাপনা পরিচালক, বাংলাদেশ শিপিং কর্পোরেশন, সল্টগোলা রোড, চট্টগ্রাম।
- ৫। যুগ্মসচিব, মোবক ও বাস্থবক/চবক ও প্রশাসন/টিএ/বাজেট/জাহাজ ও উন্নয়ন/আইন ও অডিট/যুগ্মপ্রধান, নৌপরিবহন মন্ত্রণালয়।
- ৬। কমান্ড্যান্ট, মেরিন একাডেমি, জুলদিয়া, আনোয়ারা, চট্টগ্রাম-৪২০৬।
- ৭। উপসচিব, চবক/টিসি/অডিট ও আইন/পাবক/বিএসসি ও জানরক/টিএ/বাজেট/জাহাজ/নৌ শিক্ষা ও প্রশিক্ষণ/আই.ও নৌপরিবহন মন্ত্রণালয়।
- ৮। উপ-প্রধান, নৌপরিবহন মন্ত্রণালয়।
- ৯। অধ্যক্ষ, ন্যাশনাল মেরিটাইম ইন্সটিটিউট, দক্ষিণ হালিশহর, বন্দর, চট্টগ্রাম-৪১০০।
- ১০। সিনিয়র সহকারী সচিব/সহকারী সচিব (বাস্থবক ও মোবক/প্রশাসন/বিএসসি/বাজেট), নৌপরিবহন মন্ত্রণালয়।
- ১১। সিনিয়র সহকারী প্রধান/সহকারী প্রধান (পরিঃ-১/২/৩/৪/৫), নৌপরিবহন মন্ত্রণালয়
- ১২। প্রোগ্রামার, নৌপরিবহন মন্ত্রণালয় (ওয়েব সাইটে প্রকাশের ব্যবস্থা গ্রহণের অনুরোধসহ)।
- ১৩। হিসাব রক্ষণ কর্মকর্তা, নৌপরিবহন মন্ত্রণালয়।

অনুলিপি (সদয় জ্ঞাতার্থে ও কার্যার্থে):

- ১। মাননীয় প্রতিমন্ত্রীর একান্ত সচিব, নৌপরিবহন মন্ত্রণালয়।
- ২। সচিব মহোদয়ের একান্ত সচিব, নৌপরিবহন মন্ত্রণালয়।
- ৩। অতিরিক্ত সচিব (প্রশাসন/বন্দর/উন্নয়ন/সংস্থা) এর ব্যক্তিগত কর্মকর্তা, নৌপরিবহন মন্ত্রণালয়।
- ৪। যুগ্মসচিব (প্রশাসন) মহোদয়ের ব্যক্তিগত কর্মকর্তা, নৌপরিবহন মন্ত্রণালয়।

২০. ০৩. ১৯
(এ.টি.এম. আজহারুল ইসলাম)
সিনিয়র সহকারী সচিব
ফোনঃ ৯৫৪৫৫৬৮